

華東民俗文獻 第二十三卷

中國華東文獻叢書



中國華東文獻叢書·第四輯

華東民俗文獻

第二十三卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：田兆元

本輯副主編：吳平 李善強

參加編輯人員：雷偉平 楊茜 吳麗麗 馬佳

王菲 劉捷 姜南 陳文軍

饒曉敏 楊曼 錢婷婷

本卷目錄

景德鎮陶錄	〔清〕藍浦撰	〇〇三
陶說	〔清〕朱琰撰	三四三

【清】藍浦撰

景德鎮陶錄

〔清〕藍浦撰，鄭廷桂補輯，藍浦，字濱南，生平事跡不詳，江西景德鎮人，生前著《景德鎮陶錄》六卷；鄭廷桂，藍浦的學生，生卒年及生平事跡不詳。鄭廷桂繼承老師的事業，增補藍浦所撰六卷本的《景德鎮陶錄》爲十卷。全書分別敘述景德鎮陶器的歷史以及景德鎮的製陶工藝，此書在陶瓷類文獻中，佔有極其重要的地位。本書所選版本爲清同治九年（公元一八七〇年）王廷鑑翻刻翼經堂本。

景德鎮陶錄

翼經堂集


景德鎮陶錄序

自海鹽朱桐川著陶說於是陶器有專書用補前賢
所不逮而說古自唐虞以來說器詳官哥定汝博考
羣書足無挂漏獨說今景德鎮陶惜猶多所未備蓋
其制器之委曲精詳誠有非採訪紀錄可得而盡也
余承乏浮梁鎮隸於籍案籍鎮廣袤數十里業陶數
千戶其人五方錯雜賢不肖並處編緝固宥司之責
又公事偶閒輒微行入陶肆以察良莠以稽勤怠而

其制器之委曲精詳亦遂熟於耳目欲爲鎮陶成專書而未暇鄭生廷桂余始至邑觀風所得士也招館東軒課余次兒學一日以其師藍濱南文學陶錄遺稿來質於余其所記載則又多余耳目所未逮蓋生乎其地自少而長習知其事隨時而筆之於書良非採訪紀錄偶焉旁涉者可同日語也雖其稿本文詞草創卷帙有未竟然譬諸梓材旣勤樸斲惟其塗丹黼矣遂亟屬鄭生因仍而增損之成書十卷中亦博

考羣書旁及諸陶而以其專爲鎮陶而有事也總題
曰景德鎮陶錄夫古聖人制器尚象以利生民其切
於飲食日用者固非必智巧具而功能備也自我
國家惠工給值供役無擾民安而物阜工勤而器良
鎮人日以盛鎮陶日以精莫不奮興鼓舞用副

時會之隆有不知其所由然矣是錄之成其不又補
桐川所不逮而爲有心時務者所亟賞乎爲之序時
嘉慶二十年小春月朔知浮梁縣事廣德劉丙



重刻景德鎮陶錄序

夫象形制器賴利用於前民鴻寶成篇資餉遺於後
載然而秦灰易燼魯壁僅存幾同三篋之亡猶藉一
編之守雖晏楹其可納恐唐肆以難求非仗茂先博
物之蒐疇爲高密遺書之訂此景德鎮陶錄之所爲
重刻也昌江有陶肇於陳代景德名鎮著於宋時兌
矢和弓熟則生巧宋斤魯削遷弗爲良世厯千餘年
莫之改也利通十數省無以加焉轂擊肩摩四方雲

集巷連鱗接萬戶星稠誠江右一大都會也文學藍
濱南先生向有陶錄一書輯成於鄭問谷副車鑒定
於劉克齋明府繒其狀於圖而復申以說紀其原於
卷而又析以條遠稽古制以證夫羣書旁引鄰封以
通夫外譯雜記皆筆鉞墨炙餘編亦書雋言鱗事可
實徵悉屬耳濡目染辭殊夸尚均闕土俗民風作貢
尚沿夏后之規考工足補周官之闕曾經剗削久奉
臬圭逮遭寇擾粉榆遂致災延梨棗藍仙已嗟夫長

逝鄭志祇述夫小同幸一巒以堪嘗慮雙鷗之莫借
蘭亭真本空思蕭翼賺來薦福殘碑誰代率更摹出
則有丹徒張少岳司馬讀書讀律亦吏亦仙燕公擅
著作之才白傳得江山之趣留心時務廣搜有用之
書厯念民依永垂不朽之業爰捐鶴俸復事校讐俾
播難林益騰聲價洽聞殫見博涉曹倉脛走翼飛責
增洛紙應識爰蟲戈鳥咸登甲庫之編從教月斧星
盤胥列酉陽之俎憫艱難於兆姓如陳座右幽風藉